


禪關策進 佛門異記

蓮池大師編輯

煮雲大師著述



釋覺世善書 ⑨ 覺世善書流通處印贈

蓮池大師編輯

禪
關
策
進

序

禪曷爲有關乎？道無內外，無出入，而人之爲道也有迷悟，於是大知識關吏，不得不得時其啓閉，慎其鎖鑰，嚴其勘覈，俾異言服私越度者，無所售其奸。

而關之不易透，亦已久矣！予初出家，得一帙於坊間，曰「禪門佛祖綱目」，中所載多古尊宿，自敘其參學時始之難入，中之作工夫，經歷勞苦次第，與終之廓爾神悟，但心愛之慕之頗學焉。既而此書於他處更不再見，乃續閱五燈諸語錄雜傳，無論縑素，但實參實悟者併入前帙，刪繁取要彙之成編，易名曰「禪關策進」，居則置案，行則携囊，一覽之則心志激勵，神采煥發，勢自鞭逼前進。

或曰，是編也爲未過關者設也，已過關者長往矣，將安用之？雖然關之外有重關焉，託僞於鷄聲，暫離於虎口，得少爲足，是爲增上慢人。水未窮，山未盡，警策在手，疾驅而長馳，破最後之幽關，徐而作罷參齋，未晚也。

萬曆二十八年歲次庚子孟春日雲棲蓮池識

禪關策進目錄

一、筠州黃檗運禪師示衆·····	一
二、趙州諗禪師示衆·····	二
三、玄沙備禪師示衆·····	二
四、鵝湖大義禪師垂誠·····	二
五、永明壽禪師垂誠·····	三
六、黃龍死心新禪師小參·····	三
七、東山演禪師送徒行腳·····	四
八、佛跡頤菴眞禪師普說·····	四
九、徑山大慧杲禪師答問·····	五
一〇、蒙山異禪師示衆·····	六
一一、揚州素菴田大士示衆·····	八
一二、處州白雲無量滄禪師普說·····	八
一三、四明用剛軟禪師答禪人書·····	八
一四、袁州雪巖欽禪師普說·····	九
一五、天目高峯妙禪師示衆·····	一一

一六、鐵山璦禪師普說·····	一二
一七、天目斷崖義禪師示衆·····	一四
一八、天目中峯本禪師示衆·····	一五
一九、師子峯天如則禪師普說·····	一六
二〇、智徹禪師淨土玄門·····	一七
二一、汝州香山無聞聰禪師普說·····	一七
二二、獨峯和尚示衆·····	一八
二三、般若和尚示衆·····	一八
二四、雪庭和尚示衆·····	一九
二五、仰山古梅友禪師示衆·····	一九
二六、衢州傑峯愚禪師示五臺善講主·····	二〇
二七、靈隱瞎堂禪師對制·····	二一
二八、大乘山普巖斷岸和尚示衆·····	二一
二九、古拙禪師示衆·····	二一
三〇、太虛禪師示衆·····	二二
三一、楚石琦禪師示衆·····	二二
三二、高麗普濟禪師答李相國書·····	二三

三三、楚山琦禪師解制·····	二四
三四、天真毒峯善禪師示衆·····	二四
三五、空谷隆禪師示衆·····	二五
三六、天奇和尚示衆·····	二五
三七、古晉琴禪師示衆·····	二六
三八、巽巖登禪師釋疑集·····	二六
三九、月心和尚示衆·····	二七
四〇、獨坐靜室·····	二七
四一、懸崖坐樹·····	二七
四二、草食木棲·····	二八
四三、衣不解帶·····	二八
四四、引錐自刺·····	二八
四五、暗室不忽·····	二九
四六、晚必涕泣·····	二九
四七、三年力行·····	二九
四八、圓枕警睡·····	二九
四九、被雨不覺·····	三〇

五〇、誓不展被	三〇
五一、擲書不顧	三〇
五二、堅誓省發	三〇
五三、無時異緣	三一
五四、造次不忘	三一
五五、忘抵河津	三一
五六、寢食兩忘	三一
五七、口體俱忘	三一
五八、諸緣盡廢	三一
五九、杜門力參	三二
六〇、以頭觸柱	三二
六一、關中刻苦	三三
六二、脅不至席	三四
六三、獨守鈍工	三四
六四、大般若經	三五
六五、華嚴經	三五
六六、大集月藏經	三五

六七、十六觀經	三六
六八、出曜經	三六
六九、大灌頂經	三六
七〇、遺教經	三六
七一、楞嚴經	三七
七二、彌陀經	三七
七三、楞伽經	三七
七四、金剛般若經	三七
七五、寶積經	三八
七六、大集經	三八
七七、念佛三昧經	三八
七八、自在王菩薩經	三九
七九、如來智印經	三九
八〇、中阿含經	三九
八一、雜譬喻經	三九
八二、雜阿含經	四〇
八三、阿含經	四〇

八四、法集要頌經·····	四〇
八五、無量壽經·····	四一
八六、一向出生菩薩經·····	四一
八七、寶積正法經·····	四一
八八、六度集經·····	四一
八九、修行道地經·····	四二
九〇、菩薩本行經·····	四二
九一、彌勒所問經·····	四二
九二、文殊般若經·····	四三
九三、般舟三昧經·····	四三
九四、四十二章經·····	四三
九五、觀藥王藥上二菩薩經·····	四四
九六、寶雲經·····	四四
九七、正法念處經·····	四四
九八、阿毘曇集異門足·····	四五
九九、瑜伽師地論·····	四五
一〇〇、大乘莊嚴經論·····	四五

一〇一、阿毘達磨論……………	四五
一〇二、西域記……………	四六
一〇三、南海寄歸……………	四六
一〇四、法苑珠林……………	四六
一〇五、觀心疏……………	四七
一〇六、永嘉集……………	四七
一〇七、滄山警策……………	四七
一〇八、淨土懺願儀……………	四七
一〇九、法界次第……………	四八
一一〇、心賦……………	四八

禪關策進

前集二門

△諸祖法語節要第一

諸祖法語，今不取向上玄談，唯取做工夫喫緊處，又節其要略，以便時時省覽，激勵身心。次二諸祖苦功，後集諸經引證，俱倣此。

筠州黃檗運禪師示衆

預前若打不徹，臘月三十日到來，管取爾熱亂。有般外道，纔見人做工夫，便冷笑：猶有這箇在。我且問爾：忽然臨命終時，爾將何抵敵生死？須是閒時辦得下，忙時得用，多少省力。休待臨渴掘井，做手脚不迭，前路茫茫，胡鑽亂撞。苦哉！苦哉！平日只學口頭三昧，說禪說道，呵佛罵祖，到這裏都用不著。只管瞞人，爭知今日自瞞了也。勸爾兄弟家，趁色力康健時，討取箇分曉。這些關楸子，甚是容易。自是爾不肯去下死志做工夫，只管道難了又難。若是丈夫漢，看箇公案：僧問趙州，狗子還有佛性也無？州云無；但二六時中看箇無字，晝參夜參，行住坐臥，著衣吃飯處，屙屎放尿處，心

心相顧，猛著精彩，守箇無字。日久歲深，打成一片，忽然心華頓發，悟佛祖之機，便不被天下老和尚舌頭瞞，便會開大口，達磨西來，無風起浪，世尊拈花，一場敗闕到這裏，說甚閻羅老子，千聖尚不奈爾何。不信道直有這般奇特，爲甚如此？事怕有心人。

評曰：此後代提公案，看話頭之始也。然不必執定無字，或無字，或萬法，或須彌山，或死了燒了等，或參究念佛，隨守一則，以悟爲期，所疑不同，悟則無二。

趙州諗禪師示衆

汝但究理坐看三二十年，若不會截取老僧頭去。老僧四十年不雜用心！除二時粥飯，是雜用心處。

玄沙備禪師示衆

夫學般若菩薩，具大根器，有大智慧始得。若根機遲鈍，直須勤苦忍耐，日夜忘疲，如喪考妣相似。恁麼急切更得人荷挾剋骨究實，不妨亦得覷去。

鵝湖大義禪師垂誠

莫只忘形與死心，此箇難醫病最深；直須提起吹毛利，要剖西來第一義。瞠却眼兮剔起眉，反覆看渠渠是誰？若人靜坐不用功，何年及第悟心空。

永明壽禪師垂誡

學道之門，別無奇特，只要洗滌根塵下。無量劫來業識種子，汝等但能消除情念，斷絕妄緣，對世間一切愛欲境界，心如木石相似，直饒未明道眼，自然成就淨身。若逢真正導師，切須勤心親近。假使參而未徹，學而未成，歷在耳根，永爲道種，世世不落惡趣，生生不失人身，纔出頭來，一聞千悟。

黃龍死心新禪師小參

諸上座，人身難得，佛法難聞，此身不向今生度，更向何生度此身！爾諸人要參禪麼？須是放下著。放下箇甚麼？放下箇四大五蘊，放下無量劫來許多業識。向自己腳跟下，推窮看，是甚麼道理？推來推去，忽然心華發明，照十方刹。可謂得之於心，應之於手，便能變大地作黃金，攪長河爲酥酪。豈不暢快平生！莫只管冊子上念言念語，討禪討道，禪道不在冊子上。縱饒念得一大藏教諸子百家，也只是閒言語。臨死之時，總

用不著。

評曰：不可見怎麼說，便謗經毀法。蓋此語為著文字，而不修行者戒也；非為不識一丁者，立赤幟也。

東山演禪師送徒行脚

須將生死二字，貼在額頭上討取箇分曉。如只隨群作隊，打哄過日，他時間老子打算飯錢，莫道我不曾說與爾來。若是做工夫，須要時時檢點刻刻提撕：那裏是得力處，那裏是不得力處，那裏是打失處，那裏是不打失處。有一等，纔上蒲團，便打瞌睡；及至醒來，胡思亂想；纔下蒲團，便說雜話；如此辦道，直至彌勒下生，也未得入手。須是猛著精彩提箇話頭，晝參夜參，與他厮捱。不可坐在無事甲裏，又不可蒲團上死坐。若雜念轉鬪轉多，輕輕放下，下地走一遭；再上蒲團，開兩眼，捏兩拳，豎起脊梁，依前提起話頭；便覺清涼，如一鍋沸湯攪一杓冷水相似。如此做工夫，定有到家時節。

佛跡頤菴眞禪師普說

信有十分，疑有十分。疑有十分，悟有十分。可將平生所見所聞，惡知惡解，奇言妙

句，禪道佛法，貢高我慢等心，徹底傾瀉。只就未明未了的公案上，跏趺定腳頭，豎起脊梁，無分晝夜，直得東西不辨南北不分，如有氣的死人相似。心隨境化，觸著還知，自然念慮內忘，心識路絕。忽然打破觸縛，元來不從他得。那時豈不慶快平生者哉！

徑山大慧杲禪師答問

今時有自眼不明，只管教人死獍狙地休去歇去；又教人隨緣管帶，忘情默照；又教人是事莫管；如是諸病，枉用工夫，無有了期。但只存心一處，無有不得者。時節因緣到來，自然觸著磕著，噴地醒去。把自家心識，緣世間塵勞的，回來底在般若上，縱今生打未徹，臨命終時，定不爲惡業所牽；來生出頭，定在般若中，見成受用。此是決定的事，無可疑者。但自時時提撕，妄念起時，亦不必將心止遏；只看箇話頭，行也提撕，坐也提撕，提撕來，提撕去，沒滋味，那時便是好處，不得放捨，忽然心華發明，照十方刹。便能於一毛端，現寶王刹，坐微塵裏，轉大法輪。

評曰：師自云，他人先定而後慧，某甲先慧而後定。蓋話頭疑破，所謂休去歇去者，不期然而然矣。

蒙山異禪師示衆

某年二十，知有此事。至三十二，請益十七八員長老，問他做工夫，都無端的。後參皖山長老，教看無字：十二時中，要惺惺如貓捕鼠，如鷄抱卵，無令間斷；未透徹時，如鼠咬棺材，不可移易；如此做去，定有發明時節。於是晝夜孜孜體究經十八日，吃茶次，忽會得世尊拈花迦葉微笑。不勝歡喜，求決三四員長老，俱無一語；或教只以海印三昧一印印定，餘俱莫管；便信此說。過了二載，景定五年六月，在四川重慶府，患痢晝夜百次，危劇瀕死，全不得力；海印三昧，也用不得；從前解會的，也用不得；有口說不得，有身動不得，有死而已；業緣境界，俱時現前，怕怖悼惶，衆苦交逼。遂強作主宰，分付後事，高著蒲團，裝一爐香，徐起坐定默禱三寶龍天，悔過從前諸不善業；若大限當盡，願承般若力，正念托生，早早出家；若得病癒，便棄俗爲僧，早得悟明，廣度後學。作此願已，提箇無字，回光自看，未久之間，臟腑三四回動，只不管他，良久眼皮不動，又良久，不見有身，只話頭不絕，至晚方起，病退一半，復坐至三更四點，諸病盡退，身心輕安。八月至江陵落髮，一年起單行脚，途中炊飯，悟得工夫須是一氣做成，不可斷續。到黃龍歸堂，第一次睡魔來時，就座抖擻精神，輕輕敵退。第二

次亦如是退。第三次睡魔重時，下地禮拜消遣，再上蒲團，規式已定，便趁此時，打併睡魔。初用枕短睡，後用臂，後不放倒身。過二三夜，日夜皆倦，脚下浮逼逼地，忽然眼前如黑雲開，自身如新浴出一般清快。心下疑團愈盛，不著用力，綿綿現前。一切聲色五欲八風，皆入不得。清淨如銀盆盛雪相似，如秋空氣肅相似。却思工夫雖好，無可決擇，起單入浙。在路辛苦，工夫退失。至承天孤蟾和尚處歸堂，自誓未得悟明，斷不起單，月餘工夫復舊。其時遍身生瘡亦不顧，捨命趁逐工夫，自然得力，又做得病中工夫；因赴齋出門，提話頭而行不覺，行過齋家，又做得動中工。夫到此却似透水月華，急灘之上亂波之中，觸不散，蕩不失，活鱗鱗地。三月初六日坐中，正舉無字，首座入堂燒香，打香盒作聲，忽然因地一聲，識得自己，捉敗趙州，遂頌云：沒興路頭窮，踏翻波是水；超群老趙州，面目只如此。秋間臨安見雪巖、退耕、石坑、虛舟、諸大老，舟勸往皖山。山問：光明寂照遍河沙，豈不是張拙秀才語？某開口，山便喝出。自此行坐飲食皆無意思，經六箇月，次年春，因出城回，上石梯子，忽然胸次疑礙冰釋，不知有身在路上行。乃見山，山又問前語，某便掀倒禪床，却將從前數則極誦訛公案，一一曉了。諸仁者，參禪大須仔細，山僧若不得重慶一病，幾乎虛度，要緊在遇正知見人，所以古人朝參暮請，決擇身心，孜孜切切，究明此事。